

Monchmol hott merr Glick im Uuglick

Om letzde Sunndaach om Stommdisch hawwe merr iwver alles Meechliche geschwätzt, unn doodefoo, dass wenn grad - saache merr mol - die Wäschmaschin kabutt geht, merr nit long warde muss, bis aach die Spülmaschin odder de Kielschronk die Kränk kriecht.

Doo hosde Recht, moont de Karl, dess iss so. Wenns Uuglick oofängt heerts nimmi uff.

Ich saach: Dess stimmt. Emm Kumpel von mir, dem Seppel aus Raunem, iss neilich folchendes bassiert: Geht der doch uff die Gass unn will Schnee eweckmache, unn grad alser mett de Schneeschipp richdisch losleescht, streifder mett de Hond om Gaddezaun unn reißt sich enn Fetze Haut ab. Doo wollter gleich ins Haus unn sich e Plaster druff klewe, doodebei fällder die Trepp enuff unn schlächt sichs Knie uff. Also humpelt er in die Kich, wo die Fraa grad om Butze war, rutscht aus unn bricht sichs Hondgelenk.

De Karl druff: Dess isses was ich moon. Oo Uuglick kimmt selten alloo.

Doo grinst de Schorsch: Dess iss awwer nit immer so. Monchmol hott merr aach Glick im Uuglick. So was iss mir nämlich die letzt Woch bassiert.

De Karl frächt: Was war dann, Schorsch, erzähl emol.

De Schorsch hott ersdemol soi Schnut in de Äppelwoi gedunkt. Mir hadde om vorsche Dinsdaach owend so geeche sechs uff oomol – batsch! - koo Bild unn koon Ton im Fernseh mehr gehabt, nix mehr, aach koo Flimmern unn koo Krächze. Ich bin gleich zu moim Nochber, weil dem soin Sohn sich auskennt bei so was. Der Bub iss aach gleich mett merr gonge, hott uff de Fernseher gekloppt, hott on de Leidunge gezoppelt, de Kopp geschittelt unn dann gefroocht: Wie long habbter den dann schunn? Ei verrzeh Johr, gibbt dess Kättche zur Antwort. Kaafe Se sich enn neie, hott der junge Monn gesacht, bei dem rentiert sich koo Reperadur mehr. So e Uuglick, habb ich geschennt.

Ich habb genickt. Dess war werklich e Uuglick, so enn Fernseher kost joo enn Haufe Geld. Awwer du host was von Glick gesacht, was war dann dess?

De Schorsch grinst. Dess Glick war, dass er so frieh om Owend kabutt gonge iss.

Ich frooch: Was issen dess fern Unnerschied, ob de Fernseher frieh kabutt gieht odder spät?

De Schorsch hebt de Finger. Weil dann hätt ich on dem Owend koon neie Fernseher mehr kaafe kenne.

De Karl moont: Ich kapiers nit. Was wär debei gewese? - dann hättst den halt om nächsde Daach kaaft.

De Schorsch schittelt de Kopp. Gut dasses so frieh bassiert iss, doo konnt ich noch nooch Bischem fahrn in den Elektromarkt, die joo bis um acht Uhr owends uff hawwe.

Ich habb dem Schorsch soi Glick immer noch nit kapiert. Was wär dann gewese wennde mol oon Owend ohne Fernseher gewese wärst?

De Schorsch hott enn Schreck kriecht. Bisde verrickt – enn Owend ohne Fernseher! Stellt eich emol vor, was doo alles hätt bassiern kenne.

De Karl unn ich hawwe gleichzeitich gefroocht: Bassiern? - ei was dann, Schorsch?

Jetzt hott de Schorsch gelacht. Stellt eich vor, dess Kättche unn ich hätte ohne Fernseh ze gucke de gonse Owend newwerner uff de Kautsch gesesse. Wer waaß uff was ferr Gedonke dess Kättche dann kumme wär. Naa, naa, ich hatt schunn e mords Glick, dass der Apparat um sechs kaputt gonge iss unn nit um acht.

Eiern Honnes